

NAIBU WAZIRI SILINDE AITAKA BODI YA TUMBAKU KUWAFIKISHIA PEMBEJEO WAKULIMA KWA WAKATI

09 Jan 2024 - Habari na Matukio - 11



Naibu Waziri wa Kilimo, Mhe. David Silinde (Mb) ameitaka Bodi ya Tumbaku (TTB) kuhakikisha pembejeo zinawafikia wakulima wa tumbaku kwa wakati ili kuongeza tija ya uzalishaji wa zao hilo.

Mhe. Silinde ameyasema hayo leo Januari 09, 2024 mkoani Tabora alipotembelea na kujionea kazi mbalimbali zinazofanywa na Bodi ya Tumbaku (TTB) pamoja na Taasisi ya Utafiti wa Tumbaku (TORITA).

Kwa upande wa TORITA, Naibu Waziri Silinde ameshuhudia tafiti na uzalishaji wa mbegu unaofanywa na Taasisi hiyo ambazo zimekuwa zinamnufaisha mkulima wa zao la tumbaku.

“Nitoe rai kwa TORITA kuongeza wigo mpana wa tafiti kwa zao la tumbaku ili lilete tija zaidi kwa Taifa kama moja ya zao la kimkakati,” amesema Mhe. Silinde.

Kuhusu ombi la wakulima kutaka kufikishiwa pembejeo kwa wakati, Mhe. Silinde amielekeza Bodi ya Tumbaku kuhakikisha pembejeo hizo zinawafikia wakulima ndani ya wiki mbili.

Mhe. Silinde alikagua pia ujenzi wa jengo la Bodi ya Tumbaku unaoendelea, wenye gharama ya shilingi billioni 1.1.